

Broj: 04-04-4-2886/24  
Sarajevo, 23. 9. 2024. godine

## SAOPĆENJE ZA JAVNOST U VEZI S ODRŽAVANJEM SJEDNICE PARLAMENTARNE KOMISIJE ODGOVORNE ZA REVIZIJU

**U cilju istinitog informisanja javnosti, imajući u vidu da su se članovi Parlamentarne komisije odgovorne za reviziju na današnjoj sjednici bez razloga izvinjavali u ime Ureda za reviziju institucija u FBiH zbog neprisustvovanja raspravama, smatramo potrebnim da obavijestimo o sljedećem:**

Parlamentarna komisija od imenovanja (juni 2024. godine) do sada nije imala kontakt sa Uredom za reviziju, odnosno generalnim revizorom i zamjenikom generalnog revizora, iako je održala dvije sjednice. Ured za reviziju je u kontinuitetu dostavljao Parlamentu FBiH i Parlamentarnoj komisiji izvještaje finansijske revizije i revizije učinka, kao i ostale izvještaje. Također, Komisija nije kontaktirala Ured u cilju upoznavanja sa planiranim načinom održavanja sjednica na kojima će biti razmatrani izvještaji, iako je dosadašnja praksa uvijek podrazumijevala prethodno održavanje sastanka članova Komisije i predstavnika Ureda za reviziju, na kojima se usaglašavalo o načinu održavanja sjednica u cilju kvalitetne pripreme.

Povodom održavanja 3. sjednice Parlamentarne komisije odgovorne za reviziju, na kojoj su održane rasprave izvještaja finansijske revizije iz perioda 2020–2023. godine, obavještavamo da predstavnici Ureda nisu prisustvovali današnjoj sjednici s obzirom na to da Uredu za reviziju institucija u Federaciji BiH nije dostavljen poziv za prisustvo, već samo Dnevni red sjednice.

**Dnevni red upućen je članovima Parlamentarne komisije odgovorne za reviziju, a u kopiji je, pored organizacija civilnog društva i revidiranih subjekata, uključen i Ured za reviziju (Dnevni red u prilogu saopćenja). U dokumentu Komisija „naglašava posebnu važnost da revidirani subjekti prilikom saslušanja osiguraju nazočnost rukovodstva na najvišoj razini“.**

**S obzirom na to da nije bilo prethodnog kontakta sa Komisijom niti je Ured zvanično dobio poziv za prisustvo sjednicama, zaključeno je da se radi o novoj praksi Komisije koja namjerava održati rasprave po revizorskim izvještajima bez prisustva predstavnika Ureda za reviziju.**

Ured za reviziju cijeni da razmatranje izvještaja Parlamentarne komisije odgovorne za reviziju predstavlja najvažniju komponentu u ciklusu odgovornosti, te da najvišem zakonodavnom organu revizorski izvještaji predstavljaju važan alat za efikasan nadzor. Ovakav proces omogućava zakonodavnim organima, revizorskim institucijama i građanima da pozivaju na odgovornost one koji su zaduženi za upravljanje javnim sredstvima.

Saradnja Parlamentarne komisije i Ureda za reviziju institucija FBiH je ključna komponenta demokratskog sistema, zasnovana na uzajamnom razumijevanju i poštovanju. U ranijem periodu saradnja je uvijek bila profesionalna, dvosmjerna i efikasna.



**GENERALNI REVIZOR**

**Dževad Nekić**





Parlamentarna komisija odgovorna za reviziju  
Parlamentarno povjerenstvo odgovorno za reviziju

Парламентарна комисија одговорна за ревизију

Broj: 04/1-02-2024/24  
Sarajevo, 13.09.2024. godine

UREĐ ZA REVIZIJU INSTITUCIJA U  
FEDERACIJI BOSNE I HERCEGOVINE

Primljeno:	16-09-2024		
Upr. jed.	Klasifikacija datuma	Brojni broj	Broj prijema
	14-4	2774	

ČLANOVIMA  
PARLAMENTARNOG POVJERENSTVA  
ODGOVORNOG ZA REVIZIJU

Na osnovu članaka 4., 14. i 16. Poslovnika o radu Parlamentarnog povjerenstva odgovornog za reviziju, a u vezi sa člankom 49. Poslovnika Predstavničkog/Zastupničkog doma i člankom 46. Poslovnika o radu Doma naroda, sazivam 3. sjednicu za 23. 09. 2024. godine s početkom u 09,00 sati.

Za sjednicu predlažem sljedeći dnevni red:

DNEVNI RED

1. Rasprave sa sljedećim revidiranim korisnicima; javnim poduzećima, agencijama, fondovima i zavodima za 2021., 2022. i 2023. godinu

Red.br.	Naziv revidiranog subjekta	Vrijeme održavanja rasprave
1.	Zavod zdravstvenog osiguranja i reosiguranja Federacije BiH za 2021., 2022. i 2023. godinu	09,30-10,15
2.	Služba za zajedničke poslove organa i tijela Federacije BiH za 2021., 2022. i 2023. godinu	10,15-11,00
3.	Federalni zavod za zapošljavanje za 2021. i 2022. godinu	11,00-11,45
4.	Operator- Terminali d.o.o. Sarajevo za 2022. godinu	11,45-12,30
5.	Zrak d.d. Sarajevo za 2022. godinu	12,30-13,15


Sjednica će se održati u zgradi Parlamenta Federacije BiH, ulica Hamdije Kreševljakovića broj 3, Sarajevo, AMFITHEATAR.

Povjerenstvo smatra posebnu važnost da revidirani subjekti prilikom saslušanja osiguraju nezavisnost i objektivnost na najvišoj razini.

S poštovanjem,

Zamjenik predsjednika Parlamentarnog  
povjerenstva odgovornog za reviziju

Elvir Karajbić, s.r



Predsjednik Parlamentarnog  
povjerenstva odgovornog za reviziju

Damir Džeba, v.r



Dostaviti:

- Naslovu,
- Ured za reviziju institucija u F BiH,
- Centar civilnih inicijativa,
- Zavodu zdravstvenog osiguranja i reosiguranja Federacije BiH,
- Službi za zajedničke poslove organa i tijela Federacije BiH,
- Federalnom zavodu za zapošljavanje,
- Operator- Terminalima d.o.o. Sarajevo,
- Zrak d.o.o. Sarajevo,
- IT administrator PD,
- Korespondenti,
- INDOK – snimatelji,
- a/s.